

22.6523
0024.673
413

廣德州志

卷四十之卷四十二

Kodak Color Control Patches

Inches 1 2 3 4 5 6 7 8 9 10 11 12 13
Centimetres 1 2 3 4 5 6 7 8 9 10 11 12 13

0 10 20 30 40 50 60 70 80 90 100 110 120 130 140 150 160 170

廣德州志卷三十七

選舉志

揀選
賓介

仕籍
壽官

武科
義官

武弁

揀選

桓譚曰作健曉惠文史無害縣廷之士也以故刀筆


筐篋不乏偉人州屬揀選萬厯志專舉許煉蓋嘉其

行事非以官也楊門志刪此門遂并遺許李志復立

揀選增至八十九人又略許行事皆非也乃其仕至

郡司馬而極與例貢等與漢世刀筆吏異矣邛濬大

學衍義補云周官府吏胥徒即今之吏員漢時始有



試吏入仕之途本朝於科目監生之外有吏員依資格敘用然則舊志所謂掾選實吏員也今據錄之以備一目

明

周洵

字孔俊宏治間任永福縣典史據周氏譜增

陳其學

隆慶間任浙江樂清縣丞

盧光岳

隆慶間任浙江泰順縣典史以上二人

並據溫州府志增

案溫州府志陳盧俱廣德人不詳入仕之由但丞尉之職掾吏為多故列於此

鄭然

隆慶間由衛掾任登州黃縣主簿陞汀州府經歷尋陞參軍案李志作丁州府考明地理志

並無丁州府

案鄭然以下皆據李志間有從譜增者另為注明其

不注見某書者即李志也

宋訓

萬歷間任福建仙遊縣典史

沈承寵

萬歷間任順天戎政府知印

鄭仕

萬歷間任鳳陽廣儲倉大使

許煉

萬歷志在城人江西樂平縣典史拾金還

人捐產膳弟

許時選

萬歷間任廣東肇慶府陽江縣典史

沈九鼎

字重之萬歷間任長安縣典史陞山東青登衛經歷據沈氏譜增

包邦佩

字汝用萬歷間任蘇州永豐倉大使據包氏譜增

包邦倬 字汝慶萬歷間任湖廣布政司天柱所大使 據包氏譜增

凌 懿 號竹軒萬歷間任江西吉安府經歷陞雲陽縣知縣 據凌氏譜增

周大順 字信卿萬歷間任惠州府經歷 據周氏譜增

戈九男 萬歷間任西華縣尉 戈白甯 萬歷間任温州府衛經歷 據戈氏譜增

戈存誠 任沁水縣丞萬歷末致仕歸 曾與鄉飲 據戈氏譜增

劉守任 字以重萬歷間由吏員任濟南府衛經歷 據劉氏譜增

劉宏達 字通甫崇禎間由吏員任福建方田縣典史 據劉氏譜增

紀原英 任嘉祥縣典史 傅 巖 任鳳翔府經歷

右本州人以下建平人

傅 英 任會昌縣縣丞

姚 濬 任德州大使

王 珪 任提舉司吏目

蔣 秀 省祭

案省祭之名今無知者考明史監生撥各部諸司歷

事或三月或一年滿後送吏部銓選然天順以前須

在監十餘年始得撥歷於是有了憂省祭在家庭畱

七八年比再入監即得取撥者此監生所以樂於省

祭也又考洪武間諸生在監歲久父母存皆遣歸省

賜以道里費此監生得省祭之所由昉也景泰以後

開納粟之例庶民入監謂之民生亦撥歷事得選州

揀選

縣佐貳及府首領此民生未至撥期亦得假省祭之名而家居也李志本縣志列蔣秀等二十人名下祇標省祭二字若係監生當入監選即待撥歷之民生亦不應入之掾選考明世三途並用進士也監生也吏員也大學衍義補云吏員資格其崇者止於七品用之為佐貳幕職監當堯庫之職非保薦不得為州縣正員近年需選者人多缺少有老死不得一官者瓊山上書在宏治初其言已如此其後事例繁興銓法益滯崇禎末工部題准事例內有省祭空年一條

稱考中副榜二等雜職例應省祭七年每少一年納銀二十兩乃知省祭為考取雜職需選之別名又案本州有潘判官仲明政蹟石刻係萬曆二十七年立其後列名先鄉官次舉監次生員次省祭湯鑾榮遇等十人次里老次鄉民益知所謂省祭者不過差勝于里老鄉民耳但以其竄籍雜職故縣志亦錄之今姑仍其舊而詳其來歷毋使與監混淆焉

湯

文

省祭

嚴懋仁

任澧州吏目

史

庠

任安鄉縣典史

嚴懋禮

任稅課司大使

潘福省祭

史錄任進賢縣丞

岑淵省祭

史可宗省祭

王思任福建鹽運司知事

夏宗勝省祭

史可詔省祭

張涇任倉大使

王一龍省祭

呂世成任饒州稅課司

潘葑任三水縣典史

王寅省祭

王一麟任叢臺驛丞

陳佳任靈臺縣主簿

潘武任永春縣典史

劉珍任鄉縣典史

王之霖省祭

吳國本任韓府典儀

呂宗道任宜章縣典史

梁允中任南京倉攢典不得稱選

章詠省祭

章誥省祭

岑一宏省祭

湯時霖任南京庫大使

呂達柯任天門關巡檢

湯沛霖歷官陽和經歷

王選任河泊下當有關案河

湯志貴省祭

郝憲表省祭

彭應龍案李志縣志均不注官職

王璽任鹿邑縣典史

王珍任南京庫大使

夏之校省祭

姚志憲省祭

王待價省祭

王良輔任順慶府經歷

吳時通 任嘉興府經歷

齊泰華 省祭

王廷賓 任山東兵備倉大使

潘汝瑚 任陽穀縣主簿

呂日新 歷官甯蕃衛經歷

史紹綬 任甯化縣丞

盛一桂 任太和縣典史

王啟敬 任澄海縣典史

王輔臣 省祭

潘廷楫 任山東安東衛經歷 崇禎十四年夫婦殉

難詳 忠烈

盛廷吉 歷官清流縣知縣

盛士肱 任福建布政司經歷

嚴用禮 任黃梅縣主簿

蔣士範 歷任提舉司

張時和 任徐州利國驛驛丞

景志尙 萬歷間仕至松江府同知 據縣申增

國朝

李元斗 任上虞梁湖巡檢署 嵯縣丞 護上虞諸暨兩縣印務 海潮湧沒請賑 捐救

巫萬業 任天津批驗所 案批驗所下當有關

戈麟德 康熙四十九年任 孫有文 任河間府 廣西桂林府經歷 獻縣典史

右本州人以下建平人

栢顯貞 順治初任松江浦東場鹽大使 據縣申增

韋自陸 任廣東香山縣典史 李文斌 任山西大甯縣典史

王用鐸 任湖廣應城縣典史 張承佐 任山東青城縣典史

劉尙溥 任廣東澄海縣典史 楊恩錫 任山西平陽府司獄

岑開信

任廣東香山縣江村巡檢

王朝棟

任山東長清縣典史

談起鶴

授貴筑縣典史

案李志所載止此

戴煜

建平人任順德府邢台縣西黃村巡檢

仕籍

案裕志為例仕今改其已入選舉志者不再見

吳懋桂

兵馬司指揮

甘立勳

刑部司獄

陳萼

字問薊附貢生議敘訓導歷任揚州府學訓導陞太倉州學正選授宣城縣教諭軍功賞戴藍翎陞安慶府教授

李琴川

建平人任江西廣信府通判

龔舫

建平人廩貢生國子監肄業議敘教職任陽湖縣訓導陞府經歷保陞安東縣知縣詳循吏

戴景

建平人廩貢生署貴池縣教諭

孫汝霖

建平人任廣東陽江縣典史

戴黃中

建平人任湖北竹溪縣典史

以上裕志

陳輝照

浙江候補縣丞

葛恩覃

江蘇候補縣丞

呂佑昌 五品銜浙江陞用知縣卽補縣丞 呂承惠 江西候補縣丞

呂承恩 浙江候補從九歷署臨海典史龍游湖鎮巡檢

張廣緒 任直隸沙河縣典史

吳建中 庠生投効軍營以克復桐城等處保舉訓導克復甯郡保知縣克復金陵保知州

阮榮藻 庠生投効軍營在江西肅清樂平保守廣信等處案內保舉訓導

董祥鳴 由吏員浙江候補巡檢 蔣志樞 由吏員浙江候補巡檢

董守謨 理問銜江蘇候補縣丞 董守誥 州同銜候選縣主簿

陳 晷 候選未入流 陳輝昂 候選從九品

陳輝昇 江蘇候補縣丞 趙佐唐 州同銜候選從九品

許繩武 直隸候補從九品 楊作舟 廩貢生試用訓導

黃秉鈞 廩貢生候選訓導

楊增標 建平人廩貢生歷任神門訓導霍卽教諭徽州府教授

龔迺中 建平人廩貢生試用訓導 龔迺和 建平人江蘇候補知縣

陳 銓 建平人任陝西神木縣典史 陳汝芬 建平人兩淮候補鹽大使

夏濟川 建平人廩貢生候選訓導

孫天錫 建平人從九軍功保舉賞戴藍翎同治三年克復金陵保縣丞儘先選用

潘仲煥 建平人廩貢生候選訓導 楊瀛洲 建平人江蘇候補從九品

以上新增

武科 進士 舉人

武科始於唐詳見六典宋世亦稱進士謂之右科明在化治以前舉廢不一正德初始有武舉崇禎辛未始行廷試依文例賜狀元榜眼州故用武之地撥高第者踵出皆干城之寄也其奮跡行伍者歸之武弁猶文之有例貢掾選云爾

明

崇禎十三年庚辰科

雲啟夏

案楊門志不載見李志

李扶寰 建平人 見楊志

國朝

順治六年己丑科

王斌 楊志任保定 衛掌印守備

康熙三年甲辰科

楊明培 建平人 見楊志

以上武進士

武舉人

明

萬曆十年壬午科

王夢鼇 案門李志稱夢鼇已卯壬午二科中式考明史 選舉志並無二科中式三科中式之說此云二

科中式當係己卯挑而未中至壬午始獲雋也但志 宜只載獲雋之科多贅適以滋惑故削之後凡有舊 志書二科中式三科中式者今皆 但書其最後獲中之科以歸一例

萬曆二十二年甲午科

王養明 見門志

萬曆二十五年丁酉科

王 燿 見門志

萬曆二十八年庚子科

濮陽經 見門志

萬曆三十一年癸卯科

蔡之元 見門志

宋 范 見門志

王 棖 舊志未載據王氏譜增

萬曆三十四年丙午科

劉守官 見門志

甯克諭 見門志

吳中望 建平人見楊志

萬曆三十七年己酉科

王夢鶴 門志任豐潤鎮撫應天巡撫標營守備

蔡姬允 見門志

戴世胄 建平人見楊志

萬曆四十年壬子科

王有相 見門志

萬曆四十三年乙卯科

戴世纓

建平人
見楊志

崇禎六年癸酉科

王斌

見前武
進士

濮陽懋勳

門志任徽州府
都司陞遊擊

崇禎十二年己卯科

王自完

門志任南京
新江營守備

李扶寰

建平人
見楊志

崇禎十五年壬午科

蔡家榮

見門志
案蔡氏譜名懋時之元長
子家榮其塾名也殆中式後改名與

范之齊

見門
志

附

濮陽掄

案門李志均不注科分
無從查補姑附於此

國朝

順治十一年甲午科

史學鑑

建平人
見楊志

順治十四年丁酉科

姚日昇

建平人
見楊志

姚紹英

建平人
見楊志

楊明培

建平人
見楊志

胡奇

建平人
見楊志

康熙二年癸卯科

李時豫

建平人
見楊志

康熙五年丙午科

王儀

建平人
見楊志

宗柱

建平人
見楊志

康熙八年己酉科

蔡錦標

見門志

李驃騎

見門志

李標

建平人
見門志

戴三鳳

建平人
見門志

康熙十一年壬子科

呂吉

建平人
見門志

康熙十四年乙卯科

岑青

建平人
見縣志

康熙十七年戊午科

雲履亨

見門志

韋永生

建平人
見縣志

烏昇

建平人
見縣志

康熙二十年辛酉科

烏颺廷

建平人
見縣志

康熙二十三年甲子科

盧徽典

見門
志

潘鼐

見李志
案鼐
字龍文詳書目

康熙二十六年丁卯科

劉注

建平人
見縣志

康熙五十三年甲午科

陳卓

見李志

康熙五十九年庚子科

雲載德

見李志
詳孝友

鄂捷

見李志

乾隆三年戊午科

呂劍遠

建平人
見李志

案舊志所載止此

乾隆十五年庚午科

吳秉鉞

字肇岐任浙江紹興協副將

乾隆十七年壬申

恩科

沈

斌

字昆源江南甯國府營試用千總

乾隆二十一年丙子科

許梅芳

乾隆三十年乙酉科

包羅

乾隆三十三年戊子科

許占鼇

乾隆三十六年辛卯科

包溶

乾隆四十二年丁酉科

張兆樓

建平人

乾隆四十五年庚子科

吳廷奎

字聚星江南督轅試用千總

史

瀚

建平人浙江紹興協左營千總

乾隆四十八年癸卯科

包太平

乾隆五十一年丙午科

王萬青

建平人督標効力

乾隆五十三年戊申科

吳定國

字口口江南提標水師營試用千總

乾隆五十四年己酉科

陳

梅

字豫章督標試用千總

乾隆五十七年壬子科

包治平

乾隆五十九年甲寅 恩科

吳定爵

以上胡志

乾隆六十年乙卯 恩科

邱 杰

嘉慶九年甲子科

張

玉

建平人

道光十九年辛卯科

張

裕

建平人

咸豐二年壬子科

案通志誤載辛亥 恩科

管大鵬 字雲翥

光緒二年丙子科並補行同治壬戌 恩科

王定邦 建平人

以上新通志

宋

武弁

侯 巖

建平人縣志有勇畧為江州團練使世稱侯巖將案萬歷諸志均未載又案李志有侯賢將

墓疑即此人

明 案萬歷楊門等志武胄首列明初湯達之但達之初從征而即被誣並未授官故詳其事於人物志武功門而

此從刪

濮陽成

萬歷志旌孝都人明初從征歷官至千戶世襲金山衛百戶詳武功

蔡汝蘭

萬歷志二十一都人歷官南贛參將子歿王事世廕千戶詳武功

蔡允元

蔡氏譜汝蘭子明史世宗紀南詔賊起指揮蔡允元死之詳忠烈

蔡啟元

蔡氏譜汝蘭姪甯波府志官千戶詳忠烈

宋大斌

萬歷志從蔡汝蘭征討起官歷遊擊詳武功

時通

建平人萬歷志初名牛兒洪武初以民兵從征有功御筆改名授百戶

楊文質

建平人萬歷志洪武間從征有功授濟南百戶

時中

建平人萬歷志通之子永樂初陞千戶尋陞指揮僉事其子良襲

忠又舊志但云陞千戶而缺其初任之官末云其子良襲又不詳所襲何官竊意其父通從征有功或得世襲百戶而中與良俱得廕襲者然無從徵考未便臆斷姑於恩廕門補載良名而仍缺其官附識於此

牟達

建平人萬歷志永樂初以民兵調山東萊州衛有功授百戶

包鼎

字鉉如萬歷間以武生効用積勞任徽甯道標下守備據包氏譜增

許泰允

李志崇禎間任采石都司案都司武職李志誤入掾選今移正

國朝

李國盛

建平人縣志康熙初由將材起官仕至都督世襲拖沙喇哈番詳武功

案舊志所載止此

章良臣

章氏譜康熙初入閩從軍起官仕至都督有兵部劄付現藏其家詳武功

潘繩祚

由本營外委授蘇松水師右營千總雍正十三年敕封昭信校尉後累陞至都司未任卒

吳宗德

由本營外委陞任江南提標後營把總

吳秉忠

字希濶由本營外委陞甯國營把總

吳大金

字寶臣由本營外委陞任建平把總

吳秉雄 由本營外委陞甯國營把總

吳秉鈞 字和齋由浙江台州營外委陞至福建閩安協守備

吳鎮邦 字宇安任本營經制外委陞右哨把總

奚文煥 字天章任本營建汛經制外委

潘永林 字蔚春任本營外委

以上胡志

吳鎮邦 武生嘉慶九年由外委陞本營把總 吳定泰 嘉慶二十一年由外委陞本營把總

張凱 嘉慶二十二年任本營外委 吳榮 武生嘉慶二十二年由外委任本營把總

方坤 道光九年本營外委陞蕪采營把總 駱維城 道光九年補甯國營灣汴汛外委

戴維德 道光九年任本營外委

沈步雲 道光十年任本營外委

包定華 道光十五年任本營把總

劉定遠 任池州營銅陵汛把總陞本營千總

奚文韜 道光十五年任本營外委

王茂榮 道光二十二年任本營外委 詳忠烈

王熊 武生道光二十三年任本營把總 鄂奏功 本營外委道光二十年陞徽州營把總

以上裕志

吳芳 道光三年由蕪采營外委陞繁昌縣把總

吳定榮 道光二十三年由本營把總陞千總 吳世英 建平汛把總歷署廣德營千總

張鎮海 普節汛外委 洪鎮標 本營外委

葛廷魁 本營外委 詳忠烈 王丙南 梅渚汛外委

濮陽邦 本營外委

耿超 長洪汛外委

王煊 本營外委

葛鎮川 誓節汛外委 護理本營千總 署建平把總

沈佩成 白茆汛外委

駱安邦 本營城守外委

包定邦 軍功保舉 把總賞戴藍翎 皖南鎮標補用 署本營界牌 誓節汛外委

徐明全 投効曾營保舉 都司詳忠烈 鄭永銓 軍功保舉 記名提督 賞加饒勇巴圖魯

呂致鼇 軍功保舉 遊擊賞戴花翎 朱廣勝 軍功保舉 遊擊

章鳳先 軍功保舉 參將賞戴花翎 補授甘肅涼州鎮標右營 遊擊

陳維煥 畱甘補用 參將署巴里坤千總 王學高 建平人 出行伍拔補虎嶺汛外委

宗和順 建平人 投効陝甘左營 肅清陝西全省案內保舉 守備賞戴花翎 今保至參將

余得興 建平人 投効荆州將軍營 以收復甯夏靈州等郡 保至都司 賞戴花翎 又在陝甘左營 克復渭

源狄道兩城 擊退河湟等處 狗匪保舉 副將並賞勇號

楊洪勝 建平人 投効軍營 以克復金陵 保舉把總 賞戴藍翎

史炳炎 建平人 投効軍營 保舉守備 賞戴花翎

以上新增

封贈

回贈之典上以教孝下以顯親唐宋以來史不絕書矣舊志所載詳略互異今兩登之至廕襲卽任子遺意尤爲異數然如玉儔李唐俊潘偁史並言錄其子一人而無可考僅據舊志錄之如左

宋

章

墀

建平人景定七年以子汝鈞貴贈員外郎據縣申稿增

明

姜

雲

以子洪貴贈貴州道監察御史楊志贈文林郎案洪見進士

案姜雲至甯慎俱據萬厯志其有他志補注及增入者並另標書名于下後續見楊李志者仿此

張和 以子金貴贈刑部主事門志

黃銘 以子昌貴贈西城副兵馬司楊志贈承仕郎案昌見歲貢

濮陽瑾 以子鉞貴贈東城兵馬司指揮楊志贈承直郎案鉞見歲貢

王本 以子世祿貴贈戶部員外郎楊志贈奉直大夫案世祿見進士

濮陽鈞 楊志以子漢貴贈奉政大夫戶部郎中案鈞萬厯志不載漢見舉人

濮陽瀚 以子伏貴贈光祿寺監事加贈大官署丞楊志贈徵仕郎案伏見職監

李尙質 以子天植貴贈平陽府推官加贈禮科左給事中楊志贈文林郎案天植見進士

巫敵 以子璋貴贈山東兗州府同知楊志贈奉直大夫案璋見舉人

李涪 以子謨貴贈吏部清吏司主事楊志贈承德郎案謨見進士

甯顯貴 以子珂貴贈戶部員外楊志贈奉直大夫案珂見進士

濮陽傳 以子棐貴贈餘杭知縣楊志贈文林郎案棐見舉人

李崇謙 以子得陽貴封吏部郎中楊志封奉政大夫案得陽見進士

夏松 以孫良心貴贈江西布政加贈巡撫江西右副都御史楊志贈通奉大夫案良心見進士

夏熊 以子良心貴敕封刑部主事誥贈湖廣按察司僉事再贈江西布政司左布政楊志贈通奉大

夫

管實 以子九臯貴贈富陽縣知縣楊志贈文林郎案九臯見舉人

盛世璋

以子廷效貴贈武邑縣知縣楊志贈文林郎案廷效見舉人

李熙英

以子徵儀貴贈清江縣知縣楊志贈文林郎案徵儀見進士

甯慎

以子瑞鯉貴贈南豐縣知縣加贈南京戶部員外郎楊志贈奉直大夫案瑞鯉見進士

案萬厯志所載止此以下據楊志

王憲

字汝章廩生以孫養俊貴贈戶部員外郎據王氏譜增養俊見進士

王尊龍

以子養俊貴封奉直大夫戶部員外王氏譜晉贈廣東布政司右參政

夏良器

以子之彥貴累贈文林郎應山縣知縣奉政大夫武昌府同知案之彥見選拔

戈維甯

以子簡貴封文林郎晉江縣知縣案簡見進士

戈維藩

以嗣子簡貴贈文林郎晉江縣知縣

蔡廷珍

李志以曾孫汝蘭貴贈昭武將軍案三蔡楊志不載今據李志汝蘭見武職

蔡惠常

李志以孫汝蘭貴贈奉國將軍

蔡玉麟

李志以子汝蘭貴贈鎮國將軍

右本州人以下建平人

呂雍

以子盛貴贈南京戶部主事案盛見進士

宗昌

以子璽貴贈南京大理寺右評事案璽見進士

王遂

以子佑貴贈南京刑部員外郎案佑見進士

潘奕

以子潤貴贈南京禮部郎中案潤見進士

徐鎔

以子金鉉貴贈南京兵馬司副指揮案金鉉見歲貢

張機 以子府貴贈北京兵馬司副指揮 案府見職監

岑蟾 以子維鯤貴贈文華殿中書舍人 案維鯤見職監

岑熙 以子鶴貴贈奉政大夫禮部郎中詳義行 據縣申稿增

國朝

包崙 以子元翀貴贈文林郎平陰縣知縣 案元翀見恩貢

戈九家 以子啟斗貴贈文林郎義甯縣知縣 案啟斗見歲貢

案楊志所載止此以下皆據李志

趙尊聞 以子嗣晉貴贈文林郎城武縣知縣 案嗣晉見進士

王起華 以子逢龍貴贈儒林郎山東鹽運判 案逢龍見職監

巫子澄 以子樛孫貴贈徵仕郎直隸通州州判 案樛孫見進士

王熊 以子廷英貴贈登仕郎太倉州崇明縣訓導 案廷英見歲貢

李琦 以子春蔚貴贈登仕郎池州府石埭縣訓導 案春蔚見歲貢

案李志所載本州人止此

陳紀 以孫惇貴贈文林郎福建古田縣知縣 案惇見舉人

陳源遠 生員以子惇貴贈文林郎福建古田縣知縣

吳日近 以曾孫秉鉞貴贈武 案鉞見武科

吳之麒 以孫秉鉞貴贈武功將軍

吳宗道 以子秉鉞貴封武功將軍詳賓介

吳宗貴 以子大金貴贈奮武郎江南廣德營左哨把總 案大金見武弁

右本州人以下建平人

史大任 以子學鑑貴贈武德將軍 案學鑑見武舉

戴來賢 以子兆佳貴贈奉直大夫 案兆佳見進士

嚴 恭 以子文在貴贈徵仕郎翰林院檢討 案文在見進士

案李志所載建平人止此又案李志嚴恭後尙有李

國盛稱以軍功誥贈榮祿大夫考國盛誥贈本身已

詳本傳不復贅列

戴永銓 以子崇禮貴贈登仕郎江浦縣訓導 案崇禮見歲貢

宗 洪 以子騏貴贈修職郎江浦縣訓導 案騏見選貢

宗人龍 以子高舉貴贈修職郎淮安府訓導 案高舉見薦辟

史紀清 以孫瀚貴贈武畧騎尉為人長厚年饑有鬻妻者捐金全之 案瀚見武舉

史應淮 生員以子瀚貴贈武畧騎尉

以上胡志

劉繩武 以孫丙貴贈文林郎江西上高縣知縣

劉正誼 以子丙貴贈文林郎江西上高縣知縣

劉宗因 以弟丙貴贈文林郎江西上高縣知縣

陳 聚 以孫萼貴贈承德郎江西上高縣知縣

陳紹 以子萼貴贈修職郎

劉祚 以孫庚貴贈文林郎

劉昂南 以子庚貴贈文林郎

劉承俊 以子定遠貴贈武信騎

鄂渭源 以子奏功貴贈武信

李有舜 以孫賓貴贈文林郎

李臨書 以子賓貴贈文林郎

以上裕志

張永祚 以孫光藻貴贈通奉大夫直隸天津府知府加四級詳義行 案光藻見進士

張桐 監生以子光藻貴贈通奉大夫直隸天津府知府加四級詳義行

董勸 監生以外孫張光藻貴贈朝議大夫知府 用先換頂戴邢臺縣知縣 案光藻見進士

鄭本發 以子永錚貴贈振威將軍記 名提督賞加饒勇巴圖魯

陳又平 建平人見選貢以曾孫汝蕃貴贈奉政大夫

陳詩 建平人見歲貢以孫汝蕃貴贈通奉大夫補用道湖北候補知府

陳勳 建平人監生以子汝蕃貴贈通奉大夫補用道湖北候補知府

陳銓 建平人見仕籍以弟汝蕃貴贈奉政大夫

以上新增

廕襲

宋

吳

震

建平人應龍子任將仕郎案震楊門志俱列在明恩封後今據縣志移正應龍見進士

明

李敷章

州學生以父大司徒得陽廕官案得陽見進士

夏吉

州學生以父大司馬良心廕案良心見進士

案右三人據楊志以下俱據李志

蔡凱元

汝蘭子襲近衛鎮撫萬曆十七年任瓊崖中軍征倭有功給署都指揮僉事案汝蘭見武弁

蔡懋陽

汝蘭孫襲宣州衛鎮撫陞任千戶

案萬厯志蔡汝蘭傳末云子歿王事世廕千戶今稽之蔡氏譜所謂子者乃允元也允元官指揮而死於南韶賊事載明史則所謂千戶之廕乃由於允元之死此載凱元懋陽所襲鎮撫當係汝蘭自有之廕而本傳反軼之至其子千戶之廕則此又缺之如謂世廕千戶之職即由於汝蘭而允元別無所廕則汝蘭子孫所襲宜即得千戶何以祇襲鎮撫而尚須陞千戶耶考明史職官志千戶係五品鎮撫係六品千戶鎮撫官既不同可知汝蘭允元各有世職今無從查

補允元子孫千戶之廕姑附識於此

時

良

建平人 **案**萬厯志武胄門時中名下注云通之子永樂初陞千戶尋陞指揮僉事其子良襲是良實得廕襲世職但未詳所襲何官耳 **楊門李志**恩廕中遂無良名但既同邀恩廕雖其官不傳其名宜存也特補列於此

國朝

李廷芝

建平人國盛子世襲授奉政大夫 **縣申稿**世襲拖沙喇哈番雲騎尉官至山東青州營遊擊

案國盛見武職

案李志所載止此

李學新

建平人 **縣申稿**廷芝孫其父大觀早世廷芝歿學新應襲乾隆三十四年驗看咨部廕襲拖沙

喇哈
番

以上胡志以下新增

濮陽嘉

王國璠

濮陽玉

濮陽庸

濮陽甄

王大益

以上六人俱廕一子入監 詳忠烈

戈維垣

定子世襲雲騎尉 (案)定見忠烈

許榮桂

世襲雲騎尉 詳忠烈

葛廷魁

世襲雲騎尉 詳忠烈

吳全勝

世襲雲騎尉 以上三人尚未承襲

戴宗烈

建平人周盱子 世襲雲騎尉

姚宗海

建平人燦林子 世襲雲騎尉

方殿甲

建平人家舉子 世襲雲騎尉

方錦堂

建平人殿璽子 世襲雲騎尉

賓介

鄉飲古禮也漢唐宋皆嘗行之明洪武時儀文尤詳而奉行不力往往視爲具文

國朝養老引年遊

仁壽之域者旣膺几杖之賜於朝旣粟帛之頒於野矣而又使有司以時慎擇賓介舉行鄉飲酒禮教孝弟而厚風俗意至遠也舊志所載太略今據所見及現行詳咨姓名補之至以壽得官及尙義被獎諸人亦應附列

明

王森

字公茂學行見重於時正統間屢與鄉飲又嘉

杏王養厚崇禎間王尚勤王尚儉王尚敬俱以耆宿舉飲賓

劉公澄

字能徹景泰間舉飲賓厥後嘉靖間劉思

駱仕廉

號竹軒成化間州守藍以仕廉年高有德舉為鄉飲賓又正德間駱璽萬歷間駱守信均以耆

年舉飲賓
據駱氏譜

戈鎮

字仲甯寬厚好施一郡推服正德間舉飲賓其族宏治間戈孟熹嘉靖間戈佑萬歷間戈必戈

值戈建城戈守元戈守清戈守勤天啟間戈舜卿崇禎間戈文經俱以齒德舉飲賓

葛荃

號蓮塘嘉靖間年垂八秩以齒德三舉飲賓

據葛氏譜

周桐

字子才萬歷間兩與鄉飲其先嘉靖間周瀛周棟其後桐子仁與仲亦俱舉飲賓

章鑛

字世珍積財好施天啟中州守沈舉為大賓贈額曰恩榮耆德其先嘉靖初章思紹亦以齒德

舉飲賓
據章氏譜

韋錕

字尚玉萬歷間州守何鳳起舉為飲賓其子淡與洽均於崇禎年以耆年有德舉飲賓

潘汝霖

建平人入赴鄉飲見李志職監門

王之棟

建平人任邳州通判詳循吏

李一享

字子嘉崇禎間舉飲賓

孫一洪

字子蕃崇禎十六年舉飲賓其先嘉靖間孫文先亦舉飲賓

史大典

建平人崇禎時兩與鄉飲

國朝

周元徵

字仁伯康熙三年舉飲賓其後周明徵於十八年周永業於三十年俱舉飲賓

據周氏譜

沈光祖

字裕儒應洲子自幼以孝友聞康熙十二年州守高舉鄉飲賓贈額曰德懋鄉閭

據沈氏譜

韋應燮

字君理康熙間州守門以耆年碩德舉飲賓

烏方新

建平人曾與鄉飲見李志詳義行

戈而凱

字若奏康熙辛未舉大賓州守毛渾贈額曰南國德音其族又有戈鈞卿戈一新戈一信戈萬

橋均於康熙年間舉飲賓據戈氏譜

劉宗順

字安甫康熙間舉飲賓據劉氏譜

步征祺

字祥卿康熙辛酉州守門舉飲賓贈額曰德音孔昭

吳宗道

字能宏乾隆四十七年州守石詳舉鄉飲大賓互見封贈

朱斌

字人傑乾隆四十七年州守石詳舉鄉飲賓

梅本

字口口乾隆四十七年州守石詳舉鄉飲賓

戈烈

字承哉乾隆四十九年州守穆詳舉鄉飲賓

沈廷銓

字金源孝親睦族好義尚廉乾隆四十九年州守穆詳舉鄉飲賓

高峙

字鼎三歲貢生性循謹事母孝喪偶不再娶乾隆五十六年七十八詳舉鄉飲大賓

沈承嘉

字亦美孝友好義子雲路雷行均遊庠乾隆五十六年詳舉介賓

梅濟川

字觀海為人寬厚誠樸乾隆五十六年詳舉眾賓

以上胡志案鄉飲酒禮久未舉行故裕志無增補

壽官

明

劉余志

必達子號藥圃庠生隆慶元年壽九十六其弟
雙慶壽九十三並賜七品冠帶 據劉氏譜增

孫 鎮

萬曆三十年壽官其先有孫仁亦
以高年賜壽官 據孫氏譜增

沈明岳

字子瞻萬曆間壽踰七旬
恩賜冠帶 據沈氏譜增

附 僧正通

慶壽寺僧萬曆三十四年壽踰八旬生員陳
泰來等呈於州稱其募富賑濟耕溪一保賴

以存活准給冠帶
印帖現存今據增

國朝

戈和卿

字承貴康熙間壽百歲州守高拱乾
贈額日期願人瑞 據戈氏譜增

胡永昶

建平人雍正二年給八品頂帶
見縣志下錢姚韋三人並同

錢鼎襄

建平人雍正三年給八品頂帶

姚士瑚

建平人雍正四年給八品頂帶

韋廷芝

建平人雍正九年給八品頂帶

邱殿揚

監生乾隆元年賜八品頂帶
見季志

志下至趙養聖八人並同

王國佐

耿揆先

劉元魁

項伯瑞

彭允旭

季文秀

沈日官

趙養聖

鄭萬金

乾隆元年壽九十六
恩賜頂帶
據鄭

增氏譜

義官

明

宋尙廉

嘉靖年間輸粟給冠
帶見季志職監

駱憲德

嘉靖二十九年輸粟給冠
帶據駱氏譜增詳義行

許思義

庠生歲歉出粟賑濟州守以其行
上聞授七品冠帶見季志職監

以上胡志據舊志錄入按卽今之議敘胡志無增補
今從之

廣德州志卷三十八

人物志

名臣 孝友

忠烈 義行

循吏 隱逸

儒碩 寓賢

文苑 方技

武功 仙釋

人物難於科第科第三年而一得人物曠代而始出也
 廣德趙宋以前僅一朱治已屬借才南唐李約工文而
 事實無考自范希文錢君倚洪慶善諸君子相繼教育
 而周翠渠鄒東廓復以理學爲之倡導於是人材之盛
 甲於江左見於史者倪巨濟王儔錢成夫姜敬齋諸人
 而查清容沈虛中張介俱以文行顯今就其聲施朝野
 者各據曩編分類登載續有見聞隨條鱗次義取錄善

不厭從長也

名臣

率士皆臣名聞者鮮蓋必在國爲碩輔而後在卿可稱俊彥也桐汭自宋以來簪纓接迹或節鉞封疆釐奸剔弊或洞達時務建議陳書勳業爛如風裁凜然矣萬厯志統稱鄉賢李志概列宦績今特別爲名臣略者詳缺者補覽之可想見梗概焉

三國吳

朱治字君理丹陽故鄣人初爲縣吏後察孝廉州辟從事

隨孫堅征伐中平五年拜司馬累遷督軍校尉堅卒奉孫策平江東定會稽領太守事策卒與張昭等奉孫權建安七年爲九真太守行扶義將軍征討夷越佐定東南黃武元年封毗陵侯領郡如故二年拜安國將軍徙封故鄣性儉約雖在富貴車服惟供事權優異之時丹陽深地頗有姦叛治以年老思戀土風自表屯故鄣鎮撫山越諸父老故人莫不詣門治引與其飲鄉黨以爲榮在故鄣歲餘還吳黃武三年卒在郡三十一年年六十九子才嗣父爵遷偏將軍才弟紀娶孫策女亦以校

尉領兵才子琬襲爵為將至鎮西將軍吳志本傳

案呂蒙為廣德長在建安八年則治所屯之故鄣非今州治明矣明一統志以朱治朱然為安吉人入湖州府人物是也但治生在靈帝之世或為吏時猶未分置廣德故仍依舊志列之至治姊子然然子績俱生於漢末雖功勳爛如未敢借才也

宋

倪濤字巨濟

案書錄解題云本永嘉人其父始徙居廣德

牛角能屬文博學強

記明一統志年十五試太學第一遂擢進士調廬陵尉云有操履

信陽教授入為太學正祕書省校書郎著作佐郎司勳

左司員外郎

萬曆志云鯁直不為詭隨

朝廷議有事燕雲大臣爭先

決策為固位計皆心知不可無敢一出口濤獨言其非

且曰景德以來遼守約不犯邊盟誓固在不可渝也天

下久平士不習戰軍儲又詘毋輕議以貽後患王黼怒

曰君敢沮軍事耶於是言者論其鼓唱撰造貶監朝城

酒稅再徙茶陵船場卒年三十九死之明年金人犯闕

朝廷憶濤言官其一子有雲陽集傳於世

宋史文苑傳案一統志

作雲陵集二十餘卷互詳書目

李嘉言隆興中進士嘗從范成大使北使事多從其議歷

知常饒二州皆有去思南畿志尋以尚書充使而還有文

集二十卷明一統志案李嘉言舊志無傳今增

案諸舊州志不立傳而今有者皆注曰增其在李志

後者不在此例

吳應龍字雲翔建平人嘉定中進士楊志但云登進士今從南畿志一統志

初尉武進歲凶多方賑恤遷知江陵縣以父喪歸囊無

雷鏹服闋知都昌縣大書於庭曰為國家培植根本為

生民愛恤膏血嘉熙元年陞知興國軍治以最聞四年

趣命入奏以八事為言曰振紀綱信政令惜名器厲人

才擇牧守選將帥安流離恤饑寒理宗嘉納之拜監察

御史與同列議不合乃以淮漕去官闢源流書院淳祐

三年復起為饒州郡守次年遷江淮荆浙福建廣南路

都大提點坑冶鑄錢事是歲復遷直寶謨閣廣南西路

轉運判兼提本路鹽事解組歸卒通志楊志

章汝鈞字和叔建平人淳祐進士授國子監書課官召試

館職首以厚人倫扶國綱為言以祕書正字家居時里

人多以差役破家汝鈞與梅應發力舉義役行之鄰郡

取則焉後除祕書郎明一統志南兼莊文太子教授卒

於官自號月華山人有文集二十四卷楊志

梅應發字定夫自幼神悟十九冠鄉書登寶祐進士案萬

舉志應發寶祐元年進士舊作清祐誤今改正居官忠貞尤崇廉退秩至中奉

大夫直寶章閣及致政歸厚人倫善風俗身隱而名益

彰元復召起之辭以疾年七十八卒有遺稿三十二卷

萬歷志應發歷任兩朝累官三學橫經王邸秉筆都曹勵

忠貞務廉退仕至直閣爵廣德縣男明一統志

明

胡戾永樂中歲貢任給事中陞左副都御史讜直敢言時

建平馬政擾民戾援祖制疏言州居山磧無平原可放

牧免之尋改福建參政通志

孫昇字伯高建平人永樂甲申進士除臨清令發廩賑饑

募民墾荒以最擢山東道御史公勤廉慎才能著稱庚

子值蒲臺妖婦唐賽兒作亂青州衛指揮高鳳不能捕

勢甚猖獗攻莒州進圍安邱昇統張旗馬撫王真等敗

賊於諸城山東悉平上嘉昇功賜白金綵緞擢上林苑

監正遼府長史糾劾不避權貴調知建昌府三年惠愛

廉平乞骸歸閉門授徒日以講誦為事南畿志通志楊志

張政字平夫禮聞子才質聰敏剛正自持永樂年登進士

案政永樂戊戌進士南畿志及萬曆選舉志並同舊作宣德誤今改正授山西道御史風

裁肅然不避權貴歷陞山西按察使法令嚴明貪墨者

望風解去晉人畏若神明莫敢有犯萬曆志

章禹字民望天順丁丑進士累官河南道御史其未入西

臺也曹石專橫禹心嫉之以秩卑無言責未發私語所

親曰我非懼禍甘作立仗馬恐以犢觸虎犢死虎威愈

熾耳及為言官錦衣衛指揮門達恃寵作威福禹率同

列劾之下達於獄宵小惴伏憲宗御極之二年周太后

弟長甯伯與真定武陟民爭田刑部郎中彭韶奉命往

勘回奏忤旨下錦衣獄禹疏救之三者踵起遂得釋卒

無子據章氏譜增

姜洪字希範號敬齋據萬曆志補成化十四年進士除盧氏知

縣單騎勸農桑民姜仲禮願代父死罪洪奏免之徵拜

御史案萬曆志云徵為貴州道御史邑人感泣建祠孝宗即位陳時政八事歷

詆太監蕭敬內閣萬安劉吉學士尹直侍郎黃景劉宣

都御史劉敷尚書李裕李敏任銘大理寺宋經而薦致

仕尚書王恕王竑李秉去任侍郎謝鐸編修張元禎檢
 討陳獻章僉事章懋評事黃仲昭御史強珍徐鏞于大
 節給事中王徽蕭顯賀欽員外林俊主事王純及現任
 尚書余子俊馬文升巡撫彭韶侍郎張說詹事楊守陳
 且言指揮許甯內官懷恩並拔出曹輩足副任使他所
 陳多斥近倖疏辭幾萬言帝嘉納之為所斥者憾不置
 宏治元年出按湖廣萬曆志云值歲饑賑活無算楚藩
 吉王憲廟親弟也請益莊田洪疏
 其不可事竟寢楚中漕糧以十萬計歲歉輸轉為艱與
 總漕辨甚力至貶夏邑長治行如盧氏案明史諸王
 傳憲宗弟德莊王見潏有請益莊田事而吉簡王見浚
 無之但其就藩在成化十三年又十年而宏治改元則

邀恩新土事或有之史
 雖未詳舊志當有據也與督漕都御史秦紘爭文移被

劾所司白洪無罪劉吉欲中之再下禮部會議遂貶夏

縣知縣御史歐陽旦請召還洪不納遷桂林知府猺獞

侵擾古田請兵討平之擢雲南參政土官陶洪與八百

媳婦約為亂洪乘間剪滅南畿志云時古田為羣賊竊
 據洪疏請討平之萬曆志云

執其麾下楊炯治其辜明年洞蠻
 來寇上命合兵討之挑古悉平歷山東左參政正德

二年遷山西布政使劉瑾索賀印錢不應四年二月中

旨令致仕瑾誅起山東左布政使七年以右副都御史

巡撫山西萬曆志云惟
 收月俸六石未滿歲卒洪性廉直身後喪不

能舉天啟初追謚莊介

明史本傳

案明史有專傳者惟姜莊介一人錢尙書附陶安傳而夏中丞竟不獲與乃郡前輩往復書札都云入明史列傳者止夏仁寰先生而錢姜反未之及

呂盛字文郁號定菴建平人宏治己未進士初授義烏令政聲懋著遷南戶部主事益樹清節出知湖州府時孝豐湯許為寇盛深入其阻諭以禍福兵不血刃而就俘旬日間餘寇悉平尋調去湖士民肖像祠之峴山及守東昌不三載東土大治遷山東按察副使備兵天津地

當孔道武宗南巡時方饑饉盛以無碍官錢給四方流

民俾充夫役民不知擾兼給醫藥以療疾疫改雲南屯

田副使疏歸養望林泉士論高之著有唱和諸集

通志楊志

宗璽字朝用號竹谿建平人宏治己未進士授南大理評

事轉左右寺正時逆瑾肆虐多害善良璽獨平反不撓

正德己巳遷山西按察臺官疏其才尋改閩臬莆田寇

起月餘殲之

李志縣志並云民為立石涵頭

平大帽山寇奉旨增秩遷

江西副使時甯藩驕恣兵校乘焰毒民南昌部內首受其虐總制陳金疏劾之璽奉敕按治一無所阿當罪者

必置於法會副使胡世甯疏宸濠不軌十事濠亦以受
 金縱寇誣劾世甯章下藩臬議濠嗾致世甯於辟眾持
 疑相向璽獨奮筆白其誣大盜徐九齡聚徒數千攻掠
 璽設策追斬之奉新立祠祀焉改廣西按察使復平叛
 獠歷貴州雲南布政使清公帑巨萬以贍軍旅卒於官

通志

濮陽鉞字廷威

禹歷選舉志字建威諸志俱作廷威

號黃山性剛方遇事敢

言為諸生時抗議定漕制宏治間歲貢任南京東城兵
 馬司會有編戶命御史劉節辟為從事疏通敏達紛拏

立剖世宗登極初應詔陳言八事勤聖學慎始終持大
 體審好尚豐儲賦恤民用節民力省濫費帝嘉納之以

直忤當事罷

楊志

案鉞所陳皆君心國計攸關而慎始終一事尤得古

大臣風其略云陛下左右近習善人固多懷奸者間
 亦有之稍有不謹即墮其術昔明皇開元之初憂勤
 庶政好賢樂善愛民利物始非不善也迨天寶以降
 自以功成治定無有後艱志欲既滿侈心遂生忠直
 寢疎以娛樂為良謨以聲色為急務以李林甫楊國

忠爲周召以安祿山哥舒翰爲方虎皆不能慎終之
弊也時承武廟積弛之後銳意釐剔勇行剛斷鉞以
求治太急勢將中怠且恐躁進者得以窺伺迎合也
故首及之未幾議禮獄興權奸踵至桂萼嚴嵩後先
柄用晚年寇賊擾攘享祀弗經營建紛繁帑藏告匱
悉如鉞所慮論者謂鉞有先見云今疏稿存於家

李得陽字伯英號景渠嘉靖乙丑進士任蘭谿知縣治績
赫然遷戶部主事權淮關盡蠲浮苛畱南吏部稽勳司
郎中陞九江知府築三洲隄建澄江樓莅莅荷息警時柯

陳氏本友諒遺種明錮之踞險爲患得陽白當道擇其
文理粗諳者給以子衿釁孽潛銷量移廣東兵備副使
歸養十年起補漳南道歷任湖廣左布政尋以都御史
撫楚鋏成賦役全書永爲規式土司永順請助勦蠻蠻
意在窺伺得陽裁畫有方羣奸帖息故事採辦大木不
及楚稅璫某欲罔利荆沙衡永間令額派疏揭得中止
築黃梅城建天柱縣以親老乞養歸萬曆二十九年追
嘉撫楚之績賚白金起工部左侍郎會陵殿城諸工鑄
造織造燒造諸役並興兼攝通政篆以勞瘁卒官年七

十九囊中惟圖書數卷贈南京戶部尚書諭祭葬廕一

子著有理學臆言義蒼子塵外塵談詩文集楊志通志

李謨字子範號清宇博學能文嘉靖乙丑進士任刑部主

事委漕運理刑減稅二萬兩頌者載道擢吏部驗封司

主事尋轉稽勳司員外郎為銓曹第一廉吏謨父淳早

逝以兄有撫育恩事之如父家產悉分給之通志萬曆志

夏良心字景堯號仁寰隆慶楊門諸志俱誤作嘉靖今從通志辛未進士

除刑部主事歷陞山西參議轉兩浙水利道築海隄費

省功倍有詔加秩賜金按察山東布政河南皆遇饑歉

賑貸有方民賴以甦擢江西巡撫時兩瑞權稅歲幾十

五萬奏減七萬有奇加兵部右侍郎捐罰鍰四千金設

義倉數百間置田一千二百畝儲粟備賑以積勞卒贈

兵部尚書江右諸紳疏請專祀賜名褒德八官三十年

嘗積俸三百金置田贍族而身常蔬布人服其清通志楊志

李天植字性甫號冲涵從鄒文莊講良知學隆慶楊門李志俱誤

作嘉靖今辛未進士授平陽推官奏績卓異擢吏科給

事中數上疏言天下大計張居正當國奪情議起天植

排眾昌言曰異日謂羅一峰何如人遂忤居正意未幾

鄒元標趙用賢俱以疏糾居正被杖天植疏救甚力會
 有旨選闈寺多人天植言儒生進學數少中貴選用數
 多事體倒置語攻政府出參江西饒南道時毀天下書
 院當事希相臣意欲并廢白鹿洞膳田天植力持不可
 日捐餼增益之令諸生講習其中遷湖廣副使鎮長寶
 二郡值大饑捐俸及贖鍰賑之全活無算轉四川參政
 與御史任某素不協上疏肆詆耿司寇定向鄒諫議元
 標力辨其誣不報旋備兵曹濮有曹令某為郡民請命
 忤權貴嘗道欲褫令職天植力爭不得遂解綬歸生平

著述甚富晚更喜易有禮記哀言行世萬曆志

管九皋字汝鳴楊門諸志俱作如號鶴野隆慶庚午舉人

鳴今依舊歷志

知富陽縣崇教化勸農桑綽有令政以卓異擢廣東道
 監察御史彈劾不避權貴歷官至陝西廣東副使清操
 益勵捐俸卻餽所至一塵不染謝政後行囊蕭然家徒

四壁富陽及廉州府俱祀名宦通志萬曆志

李徵儀字于來號涵初天植孫萬曆辛丑進士授弋陽縣
 調清江賑饑建學具有實政又改官解南兌米民尤稱
 便擢禮部主事轉江西道御史疏言邇來山林實朝廷

虛宿德耆彥如鄒元標顧憲成趙南星輩直諫蒙譴宜峻擢以備啟沃閱視山海居庸兩關兵馬條上便宜數事皆報可時建三殿運木集於通州戶部尙書李三才盜買以營私第疏劾之李得譴去殿門所用金磚花斑石解役賄內監虛作厰收冒破銀五十餘萬徵儀盡發其奸置之法中貴傳旨修禁苑臺榭煩費不貲徵儀抗言曰皇上富有四海卽以中人十家產奉清晏懽亦無不可然富家翁之治第必先飭廳事爲子納婦然後以其餘及耳目玩今所急應不在是中貴諸人舌撿不下

徵儀曰第奏御史李某云云可也時三殿燬而未建三王年長未婚故徵儀言如是語聞報罷巡視長蘆山東鹽政督學畿輔劾墨吏置學田絕干請厯掌十三道印務臺綱肅然推陞大理寺左丞未報可而徵儀以爭枚卜拂衣徑歸天啟癸亥內計修怨者以察典錮之掌院鄒元標大言李某一代正人豈可與某某伍乃并劾罷鄒後疏薦者皆落職去丙寅復起行人司司正甫入京逆璫魏忠賢姪魏良卿謁勿納三至三卻璫怒矯旨削籍奪敕命璫誅以推陞銜召就職不應但遣僕領所奪

救命而已居林下十年築精舍於焦子湖中名聞思菴
 直指使者按部曲致禮敬皆託疾罕面郡山巉峭履畝
 二十而稅軍興加派部據舊籍之誤將與田等徵儀具
 竭力辨始免重役郡儒童數千取額甚隘言於督學寬
 其額為都御史姜洪請諡新鄒文莊祠置祀田所著有
 鏡古錄信書等行世

史可法墓誌
參楊志通志

王養俊字損之號殷泰萬歷戊戌進士任嘉興府推官疎
 曠落職家居十載撫按以清操文望交薦起武學教授
 陞南京戶部主事轉四川按察司僉事陞廣東參政更

歷中外數十年所至皆清風高節文章俊逸飄飄有仙

氣楊志

夏之彥字士美號子蘭萬歷壬子北闈舉人知湖廣應山
 縣痛革徵收贏羨行戶供應新學校獎士類都御史楊
 漣以直諫羅璫禍鍛鍊追贓下本貫承比之彥設櫃募
 金且鬻產二千金代贖臺檄下漣幼子之言於獄為築
 別室居之名曰疾疾軒時餽橐餽或為危之之彥曰使
 某附楊公得禍天下萬世應有知我者遷武昌府緝捕
 府丞通志柯陳二姓友諒逋齋也負險為患前府丞莫敢

誰何之彥教誨撫循濟以威德嘗鑿壓務嶺通道五十里土人戴之碑曰夏父嶺陞浙江鹽運司運同卻常例疏鹽引任事三載商民兩利崇禎初璫誅罹禍諸臣均予贈恤之彥亦特敕優獎其制言有曰破產佐贖推食哺孤繁惟苦心豈曰彊項不惜身家以殉可謂傾心保善者矣

楊志參桐川樂府

國朝

趙嗣晉字煥望號桐崖天性孝友律已嚴正與物和平坦易善屬文康熙辛未進士授武城令首重學校創義

塾以訓邑之子弟邑接定陶曹縣值汜陽雷澤諸水汜濫嗣晉濬治河道五十里水患以息以優異擢御史鯁骨敢言黃運二河夫役工食素飽蠹蝕嗣晉條論之人沾實惠巡視中城京師煮粥賑饑請更展一月鄉闈同考官荒於簿書者多每至屈抑佳卷嗣晉請加考試以藝工拙分內外簾著為令康熙四十四年浙江福建江南山東四省死罪以下奉

旨減等發落嗣晉疏請直隸各省亦遵此例全宥不可勝計嘗會讞積案有張秀士田福奇許可孝者皆論死嗣

晉細覈情罪疏請緩決竟得免死壇祀大禮嗣晉糾失儀者四十七人舉朝肅然州東北相傳有山產煤奸徒鳩黨開挖大爲民害嗣晉寓書兩院痛陳其弊奉檄示禁州人賴之生平清苦自奉喜讀書著有易經彙解通俗演義增刪古文奇賞四書易經文稿內省錄箋釋等書

季志

以上胡志

忠烈

生爲重矣比義則輕此志節之士所以捐生而取義也

聖天子軫恤忠貞褒及勝朝與難諸臣於是廣德夏魁賜及寓居官齊泰王叔英林英四人並得與膺

榮獎實古今曠典也因考宋建炎時嬰城固守同時授命者六人郡士居半後此臨難捐軀蔡氏兄弟其較著者舊志不立忠烈一門致多湮沒非所以仰副

盛世風勵臣節意也今以王儔等有守土之責故與齊王

並見宦績而茲復為旁稽博訪論次軼事焉

宋

王儔大觀三年進士高宗時以通判真州權通判廣德軍

死戚方之難萬歷志方故江淮宣撫司杜充準備將也建

炎三年十一月金人犯建康府充兵潰降於金建康失

守十二月丁丑方擁眾叛趨鎮江守臣胡唐老罵賊死

四年三月己巳方引兵欲趨宣城道過廣德入其郛守

倉黃遣招安無敢往者乃命司戶朱嗣孟詣賊壘陳逆

順為方所殺劫儔二字從儔儔不屈與權判官李唐俊

歷志補

權司法潘儁權知廣德縣韋績權丞蔣夔皆死四月乙

酉方圍宣城辛亥統領赤心隊軍兵馬劉晏戰敗死後

贈儔二官唐俊等皆京秩錄其家一人宋史本傳參高

嗣孟劉晏等傳案儔傳云戚方既為劉晏所破引兵

過廣德考高宗紀十二月丁丑方犯鎮江殺胡唐老辛

己金人陷常州劉晏擊走之此晏所擊乃金人非方也晏傳亦然今正之

李唐俊宣和六年進士通志作重建炎末權廣德判官與

王儔等同死戚方之變萬歷志後贈京秩錄其家一人宋史

潘儁重和元年進士通志作政建炎末權廣德司法賊戚

方陷廣德與王儁等俱不屈而死厲後贈京秩錄其

家一人宋史王儁傳

案李潘二人事實不詳李氏譜載唐俊以教授判軍建炎四年十月十日被執不屈訛其日月兼不及卹典又云其子彭年痛父死非命築廬墓側高宗表其都曰旌孝考南畿志云彭年以親沒於兵感慕不已蔬食終身事聞旌表明一統志作二親沒於兵雖不明言唐俊子而俱云沒於兵與譜相合楊門等志刪去此語失其實也且以二親之言則唐俊與其妻俱

殉國難矣而譜於其夫人沈氏不言同死又無卒年

忠臣烈婦所繫甚鉅未敢屨入史文附論於此

王汝翼建平人宋末知廣德縣南畿志德祐元年三月甲申

元兵至西海州丙戌知廣德軍令狐槩以城降張世傑

遣將閻順等復取之汝翼時知廣德縣事四月乙巳元

兵入廣德汝翼與寓居官趙時晦率義兵戰鬥山路分

孟唐老與其二子皆死汝翼被執至建康死之孟唐老

贈二官十二日己亥贈汝翼朝奉郎宋史瀛國公紀

案趙時晦孟唐老不知其籍慶定間真德秀自劾狀

言有宗室寄居論本軍民病十事知時晦亦必宗室之寓居者也路分官名理宗紀台州有路分董櫛是唐老係本軍之官萬厯志九烈祠乃遺唐老不祀而以其二子繫於時晦下題云宋寓居廣德趙時晦及二子舊忠義祠牌因之書寓公趙公時晦暨二公子誤矣又李志封爵門載宋趙希游廕襲宮使寶祐二年領兵戍揚州死難封廣陽王以王禮歸葬廣德子孫世居焉考宋史宗室表太祖後燕王房舒國公惟忠生韓國公從靄從靄生武當侯世宣世宣生和國

公諡孝榮令驛令驛生青州觀察使子賤子賤生伯諷伯諷生師古師古生希游不言封王其死難事亦不見於紀傳不知李志何據姑附於此

吳琦任太學講書乙亥年死王難

萬厯選舉志

案萬厯志既稱琦為死難乃僅附注元歲貢中而不為立傳雖嫌疎畧閱者固知其為以死勤事者也自楊門李志刪去乙亥以下六字遂使忠魂淹抑者百數十年但元乙亥在順帝至元元年時無王難即伯顏擅殺唐其勢并弑皇后於琦無與元史百官志國

廣德州志 卷三十一
子監亦並無講書之官考宋史乃知爲德祐元年乙亥也是年元兵下江南所向驚潰宋臣嬰城力戰死者不可勝數其進攻臨安在十一月明年丙子正月宋始亡瀛國公本紀稱羣臣皆遁惟三學生誓死不去特與放釋褐出身意吳死必在是時以琦爲講書實三學諸生之祭酒也或謂志明言乙亥安知非琦致仕家居與王汝翼孟唐老等同時就義果爾何贈官獨不之及耶蓋自少帝北狩降封瀛國之後丙子已爲世祖至元十三年江南無復敢言德祐者故琦

死亦但書甲子爲乙亥耳再考宋職官志國子監直講八人掌以經術教授諸生注云舊以講書爲名淳化五年判監李至奏爲直講以京朝官充其後又有講書說書之名並以幕職州縣官充皇祐中始以八人爲額每員各專一經並選擇進士九經登第之人參用薦舉然則琦非進士卽當以薦舉爲德祐年國子監講書國亡殉難無疑也萬厯志列之歲貢亦非

元

沈壽二字太初仕至行軍千戶從南臺大夫御史福壽守

集慶路至正十六年明兵突入其境壽三率長子宏次
子度戰死宮水旁其妻王氏亦趨夫死所自殉鄉人祠
祀不廢道光四年得請 旌壽三入忠義祠宏度入孝

弟祠

裕志補傳

明

姚恕建平人洪武甲子舉人任杞縣令性介才達綽有政
譽擢河南道監察御史所至振肅官至江西按察使靖
難兵起宣城陳尚書迪不屈死恕陳婿也亦被戮

楊志云與婦翁陳尚書迪俱以不屈遇害
縣志云恕陳婿也遂株及焉至今惜之

通志案

案陳迪明史有傳稱其子丹山鳳山等六人皆死而
不及婿恕豈其死時地有異與今據通志錄之

姚善富號惠菴建平人洪武二十八年由明經入太學燕
師起叔父恕以陳迪婿故死節善富又以恕故自經死
詔陳屍御史廊下七十五日初命戮屍繼命改減家屬
遣戍不許收殮妻王氏三伏闕上疏乃得允歸殯
通志列女
傳參楊門縣志乾隆二十三年總督尹匾曰忠節雙高以旌其
夫婦祀善富於忠義祠

案李志改恕為善富弟固非或以恕為善富姪尤謬

據楊門等志稱善富入太學在洪武二十八年而萬
厯選舉志鄉貢門載姚恕洪武甲子年中式歲貢門
又載姚恕洪武十六年貢則就其貢舉之年言之恕
爲善富叔無疑也善富之死殉叔實以殉國故文皇
深怒之而暴尸於朝舊志言恕爲迪死善富爲恕死
乃襲當時避禍遷就之詞耳又不敢公爲立傳而附
見列女然日久論定今已見獎當事崇祀於鄉矣特
著其事於此

蔡允元字牧卿汝蘭子

據譜

明史世宗本紀云嘉靖四十三

年冬十二月南韶賊起守備賀鐸指揮蔡允元被執死
之萬厯志云汝蘭子沒王事世廕千戶

蔡啟元字純卿汝蘭兄子

據譜

張時徹甯波府志云啟元以

良家子勤王擊倭奴累戰功授千夫長嘉靖三十八年
三月丁酉我兵當賊於奉化之江口橋行列已定鼓而
向賊同行者俱錯愕不前啟元獨憤怒裂眦罵不休徑
匹馬縱橫而前與賊逼賊駭或走或伏啟元手格殺數
人會天新雨馬行淖潦中不得出力盡矢空顧左右皆
散去僅弟昆元與二三家僮不去啟元怒益甚瞋目揮

劒罵賊曰吾不啖汝肉非夫也獨殊死戰良久賊乘間涉河繞其背鎗之死踰時猶怒立馬上不墜人其壯之軍門命有司具棺殮給資歸其喪

案一蔡忠義祠舊牌題曰雙忠此雍正五年所崇祀也考新舊州志皆無之惟萬曆志武胄蔡汝蘭傳有云子沒王事世廕千戶意其爲汝蘭子而楊志則已改爲以沒王事李志又改爲沒於王事似死事者卽汝蘭因取蔡氏譜核之允元果汝蘭子而啟元則其兄汝芝之子也譜記事亦未甚明據云汝蘭以浙江

總督胡宗憲薦授鎮撫調甯波府征倭有功陞守備
廕官南贛南韶總兵又云允元隨父立功於韶嘉靖
甲子十月陣亡贈都指揮使考之明史世宗本紀則
其事大書於是年冬十二月云南韶賊起守備賀鐸
指揮蔡允元被執死之然後知其炳見正史而珥筆
者初未嘗深考也衛指揮使正三品則贈都指揮使
固宜萬曆志不書其名及原官贈官而但言廕譜但
有贈官而無原官及廕交失之矣啟元事雖引甯波
府志所載甚略無死年月日及有司棺殮等語今特

訪求張氏舊志備錄原文張係甯波人官南京兵部
尚書是志修於嘉靖三十九年去啟元之死纔一年
耳時徹目擊其事詳志之卷三十二死事傳信而有
徵譜何以反從略耶至雙忠之稱今蔡氏祠有明人
江鐸題額現存雍正初詳請入祠且書之牌蓋本諸
此但額書江鐸銜稱巡撫偏沉軍務而云嘉靖四十
四年立則又非以是官設於萬曆二十七年征播時
也額上又有李得中贊得中卽修萬曆志者贊而不
志亦無是理凡此皆流傳之失致多歧誤而二蔡之

英聲毅魄歷久彌彰史志旣著其文俎豆復隆其祀
垂諸郡乘光施多矣

夏魁暘字宿甫建平人崇禎乙亥以明經訓奉化越三載
爲武義教諭多士式之未幾攝浦江令有賊許都者陷
義烏并及浦江魁暘誓眾登陴凡六晝夜城破被執抗
冒不屈死之

縣志云隕於池中

遊帥蔣若來求得其尸泣曰眞

可謂忠臣矣事聞褒祀

楊志

今上乾隆四十一年夏魁暘

賜諡烈愍編入

欽定勝朝殉節諸臣錄第五卷寇難殉節通諡烈愍諸臣

中

潘廷楫建平人光祿丞汝霖次子任山東安東衛經歷崇

禎十四年安東失守廷楫夫妻不屈並遇害季志選舉門

案廷楫之死楊門志俱不載縣志附見汝霖傳中李

志因之摘附職監汝霖下考明史莊烈帝本紀崇禎

十四年六月山東寇起十五年正月山東賊陷張秋

東平劫糧艘太監王裕民劉元斌帥禁兵會兗東官

軍討平之二月戊申振山東就撫亂民安東之失當

在此時廷楫死於寇難與夏魁暘同而事實失傳志

家亦遂遺之縣志既有所據又不為之大書今詢邑

人亦無知者或言廷楫字君濟繼妻方氏先是在任

生子名魯生即遣僕送之父所示必死云

附

唐末士人張姓者黃巢作亂率鄉兵捍之誓死不屈遂歿

於溪後人名其溪為誓節渡立廟祀之通志萬曆二十四

年知州段猷顯過之憫其廟址無存勒石表之并序云

張姓不知何里人黃巢以凶殘之性肆毒海內所過郡

邑無不望風披靡張姓獨率耨鋤之卒奮起而禦之溪
上百戰守死以挫其鋒比其敗也駢首而沒於溪數百
人無二心者非疇昔恩義膠結而不可解者何能至此
若人其漢田橫之流與惜史失其名而年月日時俱不
可考亦足悲也余以池陽之役徘徊溪上追其遺蹟則
廟址俱亡矣因賦詩弔之爲立石郵亭之前

碑現存互
詳名蹟壇

案新唐書黃巢傳僖宗乾符六年十月巢自江西攻
臨安聞戍將董昌屯八百里懼而還殘宣歙十五州

廣明元年陷睦婺二州又取宣州時廣德隸宣州則
知張姓禦賊在是時也

以上胡志參裕志增元沈壽三一人

廣德州志卷三十九

人物志 忠烈二

忠烈二 以下死
於粵匪之難

王茂榮洪鎮彪葛廷魁俱廣德營額外外委咸豐十年

二月初三日茂榮在城殉難彪守長洪關汛禦賊死三

月克復州城時總兵米興潮督兵防守廷魁隨營勦賊

力竭而亡 新纂
下同

耿燾字普堂廩生任小南鄉耿村咸豐八年以勸民輸

粟得力知州邵 給予好義急公匾額十年賊至先遣

其妻子徙避他所燾自正衣冠端坐一室賊將掠之去
燾怒罵不屈而死

董發權一名用中居州城充州庫典吏爲人勤敏謹愨
道光末知州嘉惠捐貲修整 文廟疏濬秀水發權經
理其事工竣稱善郡士人以有功學校四字匾額貽之
同治二年以賊擾辟居篁竹保時有降賊洪容海率黨
來攻民團死者萬計發權與焉其孫銀根同死

職員鄂上植居州城避難於篁竹保助團禦賊同治二
年降賊洪容海率衆破保上植遇害弟奏功任徽州東

山營把總時已歸里同殉難

丁映辰及弟震甲俱歲貢生居恒束脩自好授徒餬口
十年二月城陷日震甲衣冠坐賊入其室向震甲索貲
財震甲曰有貲而爲賊用耶厲聲斥之賊怒剗其腹而
死時年七十一映辰同日死里人以爲雙丁真義士云
丁儒德及弟儒行住南鄉咸豐十年賊踞州城儒德時
年八十閉戶自縊賊欲以儒行爲僞官不從辟居於深
山窮谷間絕粒而死

阮氏一老失其名居西鄉誓節渡咸豐十年賊踞州城

所至肆掠兄弟激於義憤私相謂曰我兩人年已及耄未可汗辱賊將至兄先積薪自焚弟聞之急投井死里人義之

陳鳳雲監生住南城狀元坊十年二月賊至其家人請遠避不許曰我年近古稀今日得死所矣爾等各自爲計延先祖祀毋以老人爲念猶子汝金鏡濤等以鳳雲故亦不去賊憐其老未之害也鳳雲責以大義罵不絕口全家遇害

費茅芽幼慧能文事親孝十年賊踞州城僞示令人蓄

髮違者死茅芽矢志不從爲賊所害

徐明全州南鄉銅坑人在祁門曾侍郎營差委以功保舉都司性勇敢善走咸豐十年在鄉率團禦賊援師不全力竭自殉

蔣大中諸生世居蔣灣保夫婦年俱八十餘五世同堂繞膝二十餘人十年二月賊至大中正衣冠而坐罵不絕賊首刃之宅中無長幼男女皆死於難

董開澄居州城十年二月賊至以開澄能書將授以僞記室不就潛出東門外後投板橋溪旁七畝塘死幼孫

瑞鏞瑞釗相繼餓斃同時董開元隨其母及妻子在北城宋家塘投水死

濮陽燦監生住北鄉路西保十年二月督團禦賊潰亡時年七十其族世榮遇賊有母受捶楚不堪世榮泣罵被殺

王大謙監生居州城十年二月徙居南鄉舍東堡賊至罵不屈遇害并裂其屍投諸火時年七十六

董發宗居城東仁德坊素有膂力賊陷州城入其家發宗持巨槌立門後連擊殺數人賊衆不得入遂梯屋從

後來攻之發宗力竭遇害賊恨甚裂其屍

劉起附生聞賊至衣冠坐於中庭罵不絕口賊殺之同時貢生甘受和及子庠生志培皆遇賊不屈死

包步雲廩生居州城咸豐十一年在州之小南鄉團練禦賊力竭而亡同時死者庠生王振綱陳鈞陳潤監生張和羹陳述舜民人陳延最六人

步居然大北鄉人十年二月賊踞州城北鄉王甯兩保居民團練禦賊以居然爲長卒以衆寡不敵於八月初一日居然死之同時殉難者王珏王玉書甯釗等百餘

人是年九月路東澗西杭村爲賊踞民團程錫林程三張金昌黃發禦賊死長興韓慕宣弟德來助團接戰力竭而亡今甯村保趙庄村立忠義祠以祀殉難諸人甯忠字商臣業儒十年八月賊至甯村保祖家村忠不去正衣冠端坐門外聲斥其罪賊曰是妖也乃殺之賊中常呼官爲妖故云

施澧字春江庠生居北鄉流洞橋爲人誠懇有果斷素爲鄉里所欽服賊至被執欲授以僞官澧矢志不從服毒而死同時呂宣字止亭廩生子式正又吳劍字寶齋

章錦字麗堂俱庠生北鄉人遇賊不屈死

戈定字用和居州城捐職府經歷爲人慷慨勇於任事有善舉輒首先捐助道光時設義倉定與有力焉迨賊至在南鄉助團禦賊死

陳淦字琴溪居州城捐職府經歷爲人慷慨勇於任事經理復初書院及義倉井井有條不辭勞瘁爲當道所器重十年二月賊陷州城行經北門外七里店自縊死邵紱華字香組增生居州城性聰穎攻舉業兼能古學母老八十餘紱華事奉維謹以賊擾攜居篁竹保助團

禦賊死

葛凌雲貢生住東門外葛家庄二月賊至正衣冠同妻
宋氏投塘死時監生葛永清居州城衣冠赴文昌社塗
遇賊被執不屈死

方燧字炳東監生南鄉太山麓人性狷介治家嚴肅村
人咸敬禮之子殿英殿蕃殿蓉俱游庠蓉食廩餼咸豐
十年七月賊再陷州城久踞索民間財物禁薙髮燧以
賊不久當滅抗不從十一年六月甯國縣賊侵廣德連
界之七都里近太山燧聚丁壯各衣白布小衫爲號挾

火具夜往擊賊營殛其酋賊恨之越日糾衆至鄉圍潰
散縱燬村屋殆盡燧與諸子避山中諸子請遠徙燧不
可曰吾甯死得見祖宗地下耳俱遇害

吳宗周監生住西城內賊入弗避脅以刃不從賊怒並
妻子二十餘人俱被害同時吳隆盛弟隆茂俱遇賊索
銀勿應賊殺之併及其母與妻

五品軍功韓德富巢縣人咸豐十一年隨知州高楨剿
賊於本州之南鄉浪水灣力竭陳亡

烏老松在耿村塘頭舍東浪水灣等處團練禦賊先後

斃賊無算時知州高楨詳請 賞給六品頂戴後因賊衆力戰死又盛錫榮在霍村團練禦賊力竭身殉俱咸豐十一年事

右本州人以下建平人

夏濟川建平人廩生捐訓導咸豐六年六月粵匪竄建平濟川率團助剿不克被害

新通志下同

方家舉建平人歲貢生署青陽訓導在籍佐知縣何豫綸籌餉辦防堵咸豐十年二月城陷與同局增生潘坊監生韓錦堂均死之家舉之子庠生殿璽殿鼎暨一家

十餘口均殉難同時從九品楊增葵亦一門殉難又石文來石章富石華富均死之時稱石氏三義士

方承恩建平人以孝義聞道光間出粟賑荒咸豐間捐助軍餉給八品軍功同治元年賊竄建平闔門殉難是年方大沛同子庠生振鵬等亦一門殉難又宗法根剿賊被害

戴廷宇建平人襄辦團練隨同官軍禦賊咸豐十年城陷日一家六口均死之

呂廷楫字用舟號若齋建平人恩貢生有至性讀書識

大義道光已酉水決東壩與貢生呂鼎錡倡捐先築草壩復會同鄰邑紳士稟請江督陸 撥銀壹萬捌千兩

重築上下兩壩爲利甚溥咸豐三年粵匪陷金陵與呂鼎錡在定埠設團防局十年春建平城陷廷楫被執不

屈遇害是年楊永照亦帶勇陳亡

新纂下同

戴周盱建平人庠生素有義行道光已酉大水出穀千石散給圩民咸豐十年賊至辦團練於鄉卒以衆寡不敵遇害

蘇歐文建平人庠生性明決能爲人排難解紛鄉里信

服庚申賊至爲團長禦賊而亡又有庠生姚燦林在鄉團練禦賊受傷死於祖廟

戴履明建平人秉性誠篤家極貧事親孝以弟名賢聰穎能讀書專力延師課之遂棄儒服賈以餘貲佐其束脩終無怨言十年城陷日履明隨其父死於難

烏宇鳳建平人讀書能知大義賊至強爲僞官宇鳳誓死不從逃匿於水陽被獲不屈遇害

裴啟煜建平人咸豐十年三月十六日各保團練禦賊啟煜爲偵者所識後被執知其爲官兵助戰磔死時年

五十六

裴元建平人年七十餘同治元年八月掠去賊憫其年衰就斃給以饗殮元義不食而死

張廷楫建平人咸豐十年賊至逼充偽官堅志不允迭遭荼毒卒餓死於賊中同治元年八月事

項志貞建平人素性剛決並善解紛賊至招爲偽官住謝家舖不肯從遂釋去復於同治元年二月被執自縊死

潘昆山建平人咸豐十年六月十五日賊踞濤城舖連

營二十里昆山與潘毛牙團練數千禦賊於大溪灘戰俱捷十八日賊蜂擁來昆山敗走至大溪被執死之毛牙亦遇害

梅薦夏建平人庠生聞賊警謂其子開宏等曰事急矣汝速逃生以延宗祀我自爲計促之去越日宏歸視其父則已投塘死矣

王邦柏建平人年六十一咸豐十一年遇賊被害其子若孫一家十數人同時殉難是年許志仁遇賊被害其妻子及媳八人一時殉難

廣德州志 卷三十一 九
宗月印建平人恩貢生清潔自守十年三月十六日賊至境義不偷生合家男婦閉戶自盡

張啟燾建平蘆村保郝村人咸豐十年賊至其家索取金銀至再無所有賊怒欲殺之啟燾曰汝必欲殺我尚有待遂整衣冠焚香告祖先事畢挺身受刃

楊維翰建平人爲人誠篤族中塋墓將失祭維翰籌資重興得勿替宗人感戴咸豐庚申遇賊不屈死

岑錦素建平人監生咸豐末奉母王氏避難於金保圩圩破母命錦他徙錦依戀不忍去母恐累子投河死錦

忿極與團衆禦賊力竭而亡

王九成建平人庠生年五十六老成爲鄉閭所重賊至知不免咸豐十年九月十六日攜妻子俱投水死

吳守常建平人爲人勇敢有義氣咸豐十年三月二十三日賊至被執矢志不從賊捶之遍體受創卧床褥七日不食死溧陽教諭陸詳請旌典

吳正先吳正壽建平人俱於咸豐十一年與團衆禦賊而亡正壽素有膽畧賊於鄉間蹂躪殆遍正壽未嘗蓄髮示不從逆又有吳正心尤勇敢禦賊被獲罵不絕口

割舌而死同時吳正常斷足死

吳泰先建平人素行仗義咸豐十一年各保團練捍衛

泰先率團眾固守無害賊從黑夜來猝不及防死之

吳世良建平人有孝行賊至奉母避山谷中旦夕在側

奉事如故同治元年遇賊搜山世良負母奔數十里追

急母子兩人投塘死

吳昭祥建平人好勇有膂力賊至誓不逃生常糾集有

力者在山谷中截擊終為賊所害刳腹而死

孝廉濮陽嘉孝友有傳 贈知州銜廕子入監 廣德人下同

拔貢王國煥一門 殉難 貢生丁映辰 並弟震 甲有傳

貢生王國璠贈布政使都 事銜廕子入監 恩貢李承彝

廩生董書 廩生耿燾有傳 廩生呂宣

增生濮陽玉 庠生濮陽庸 庠生濮陽甄

監生王大益濮陽玉以下俱 贈 鹽知事銜廕子入監 庠生呂鎔

庠生蔣大中有傳 庠生戈椿芳 庠生陳理

庠生施澧有傳 庠生包步青 廩生包步雲有傳

庠生王振綱附傳 庠生陳均附傳 庠生陳潤附傳

監生張和羹附傳

監生陳述舜附傳

民人陳延晷附傳

包步雲以下在小南鄉督團禦賊死

監生陳鳳雲有傳

監生濮陽燦有傳

監生陳錫疇

監生陳士俊

監生王國昭

監生王大謙有傳

監生費慎言父子

武生奚鈞

五品戈定有傳

贈雲騎尉襲次完時

職員陳廷魁並兩弟

職員陳淦有傳

職員鄂上植有傳

都司徐明全有傳

把總鄂奏功有傳

外委王茂榮有傳

外委葛廷魁有傳

贈雲騎尉襲次完時

庫吏董發權有傳

民人董發宗有傳

民人董開澄有傳

民人董開元附傳

民人瀾世榮附傳

民人丁儒德有傳

民人湯太生

民人吳全勝

以上咸豐十年殉難請 旌載新通志

貢生李鳳鈞文苑有傳 廣德人下同

監生陳鳳書

民人王宏慶

民人王秉成

以上咸豐年 旌載忠義表

庠生陳汝金附傳 廣德人下同

庫吏董開瑩儒碩有傳

團丁徐光大

團丁徐明桂

團丁徐細芽

團丁徐明德

團丁徐明忠

團丁董銀根附傳

幼童董瑞鏞

附傳

幼童董瑞釗

附傳

民人施永燭

民人施桂芳

民人潘祖濬

以上同治年

旌載忠義表

知縣呂秉珩

文苑有傳
建平人下同

訓導岑承恩

恩貢呂廷楫

有傳

拔貢岑少儀

歲貢方家舉

有傳

優廩生

王通賢

廩生呂

型

孝友有傳

庠生呂

偉

附孝友傳

庠生戴周盱

有傳

庠生姚燦林

有傳

庠生蘇歐文

有傳

庠生王逢源

庠生王鍾靈

庠生方殿璽

附傳

庠生方殿鼎

附傳

武生王尊榮

武生王一成

武生王廷賢

監生王國治

監生王岳

監生王際榮

監生胡廷鵬

監生胡彩章

民人王尚興

民人王紹元

民人沈文廣

民人沈文株

民人沈錫玳

以上同治年

旌二十四案至
四十七案

訓導夏濟川

有傳
建平人下同

增生王夢蘭

貢生呂兆椿

庠生王鼎甲

附孝友傳

廩生施炳奎

廩生呂烈

廩生岑樹聲

廩生宗鶴翔

增生潘坊

附傳

增生夏松

增生岑樹人

增生徐象鼈

增生宗秉恭

增生孔憲祥高涪人

增生王作舟

增生劉際昇

庠生王增甲附孝友傳

庠生高翔

庠生李化諄

庠生岑承露

庠生宗凌

庠生徐鎔

庠生王學成

庠生何月端

庠生王瑞

職員王槐章

武生史澤善

監生韓錦堂附傳

監生宗聚軒附義行傳

監生李華春

監生夏伸

監生韓鳳樓

監生戴聖駟

從九楊增葵附傳

從九宗儒臣

從九廖相廷

從九童讓杰

孝子夏尚隆孝友有傳

鄉飲賓施陶鎔

耆民宗兆炳

耆民宗萬順

耆民石其賢

耆民岑允德

民人岑虎文

耆民陳大海

耆民廖增龍

團丁施景佳

團丁韋根和

團丁吳金海

團丁吳大照

團丁宗法根附傳

團丁夏忠林

團丁岑玉璜

民人夏忠叙

民人夏鈞韶

民人宗順牙

民人宗玉林

民人宗萬清

民人宗萬武

民人宗金根

民人宗福林

民人宗和金

民人宗大彪

民人吳清林

民人吳榮林

民人石文來

附傳

民人石章富

附傳

民人石華富

附傳

民人岑本泉

民人岑本固

民人毛福美

民人毛秀元

民人毛和推

民人王玉林

民人王應清

民人陳士童

民人徐發瑞

民人虞宏源

以上光緒元年

旌五十
九案

貢生方城

廣德人下同

貢生方克廣

貢生方作舟

貢生陳楠

貢生呂清

貢生甘受和

貢生高鎮藩

廩生陳邦采

廩生高鳳池

增生邵紱華

有傳

增生彭祖經

增生彭玉汝

庠生王珏

附傳

庠生呂汝楷

庠生呂式正

附傳

庠生呂汝燮

庠生甘志培

附傳

庠生陳廷植

庠生陳丙

庠生戈茂

茂芝茂蓉

庠生戈大

大煥大炳

庠生戈祖禹

庠生費尊序

庠生費節

庠生高

配品

庠生王承槐

庠生濮陽珏

庠生陳邦彥

庠生陳占魁

庠生陳鳳鳴

庠生方維嶽

庠生方用舟

庠生王玉汝

庠生王文濬

庠生王焯

庠生王步周

庠生王懋官 庠生濮陽煦 庠生沈文錦

庠生周建鶴 庠生管奏勳 庠生管燦

庠生盛汝南 庠生王德渭 庠生章以成

庠生章汝材 僧生賀有義 武生甘揚清

武生孫廷邦 武生雲占鼇 武生邵廷熙

武生楊康壽 監生夏朝梁 監生潘可亨

監生陳鏡濤附傳 監生陳贊平 監生李尚煒

監生陳士伸 監生高重珍 監生高光沂

監生王懋政 監生彭其福 監生陳樹芳樹玉

監生王承銳 監生耿燮臣 監生楊方叙

監生方鳳翔 監生陳輝旭 監生方珩

監生耿孚臣 監生耿克治 監生耿承印

監生夏朝霖 監生陳麗生 監生周德盛

五品 銜 戈維熊 六品 銜 戈春元 八品 銜 彭煥

從九王承基 從九董開厚 職員高錦

職員孫寄德 福田 職員陳酉生

職員耿承慶 職員童時行 職員王廷榛

職員王世順 一門 殉難 職員丁雲錦 百總洪鶴

外委耿太保即超外委洪鎮彪有傳團總徐家寶通志作質

耆民阮某兄弟有傳監生高重椿監生高光炘

民人高光灝光浩民人高光德民人高永鏢

民人蔣志鏞民人張輝均民人張雙成

民人張廷金廷銀民人張廷銻廷戴民人張金春

民人張廷蘭民人張祥均民人王承雲承汲

民人王宏淦民人王承懿承加民人王承先

民人王大鉞民人王宏樹宏法民人王承鴻承浩

民人王懋順懋履民人王懋庚懋錫民人王懋源

民人王承猷承猷民人王宏慶宏緒民人王大金

民人王世勇民人王廷梧廷楠民人王兆年

民人王華年裕年民人王懋文民人王國恩

民人王廷楨民人王承法民人王懋慶

民人王正良民人費茅芽有傳民人丁儒行附傳

民人丁榮昌民人丁森和民人戈文振

民人戈朝牙民人戈榮民人戈老官

民人戈觀六民人戈萬庚民人夏建寅

民人夏宗湖民人夏啟祀民人夏長春

民人施鶴雲

民人施宗耀

民人施紹聞

民人施崇高

民人夏世鈞

民人洪天佑

民人董開鑑

民人楊正良

民人湯邦論

民人湯開泰開初

民人湯春海秋海

民人湯茂松

民人李福生蘭生

民人李彬生

民人李紳森

民人李炯年

民人李同根

民人李發森

民人李在根

民人方先貴

民人方克壯克傳

民人方寅

民人方支有支德

民人方念恩

民人方原聖

民人耿家駢

民人耿家駿家駟

民人耿承正承淳

民人耿克洧

民人耿克良

民人耿小渚

民人邵順保

民人邵進保桂保

民人陳宗杞

民人陳子麒子龍

民人陳宗旺

民人陳其隆

民人陳昌俊

民人陳鏡容

民人陳天喜

民人陳六牙

民人陳恩第

民人陳紹清

民人陳其位其高

民人陳巧林

民人彭宏泉

民人彭應林玉林

民人沈芳谷芳寶

民人沈方朋

民人沈如松

民人沈二牙

民人沈啟高

民人沈方

民人沈德衡

民人沈巧牙

民人沈和庚

民人沈小苟

民人沈目牙

民人沈五九

民人章昌瑞

民人章由通

民人章克靜

民人章昌顯

民人章鳳山

民人章炳元

民人章樹賢

民人章朝根

民人章由仁

民人章法海

民人鄭其季

民人鄭其金

民人鄭祥瑞

民人鄭江林

民人周南春

民人周德泰

民人周德茂

民人周德富

民人周德成

民人周其祥

民人周其琳

民人周其河

民人潘欽武

民人潘欽麟

民人潘必昌

民人潘必喜

民人潘恭讓

民人潘心鵝

民人潘瑞生

民人潘太生

民人潘鰲春

民人程文林

一門
殉難

民人程康禮

民人嚴克勤

民人嚴芳萼

民人韋元亨

民人許榮齡

民人陳金海

民人趙瑞蘭

民人趙京元

民人趙連生

民人趙廣相

民人卬遵祿

民人卬積義

民人劉廣福

民人劉大木

民人劉廣訓

民人劉雙林

民人蕭子念

民人步德清德本

民人杭文鈺

民人戴在法

民人姚正五

民人姚永順

民人巫順雅

民人巫毛苟

民人盧海生

民人盧如林

民人盧壽庚

民人盧炳春

民人汪來喜

民人胡猷萼

民人吳德順

民人徐宗源

民人朱五林

民人何茂榮茂林

民人葛宗仁

民人管桂松

甘肅典史杜再豫山陰人寓廣德州

以上由忠義局彙案請 旌載紳民忠義表

貢生王文彩建平人下同

庠生錢玉成

庠生蔣家竣

庠生蔣占春

庠生方振鵬附傳

庠生方舉鴻

庠生戴世銘

武生田增發

武生姚立功

監生韓國燦

監生方澍霖原名德浩

監生方引秀

監生姚學斌

八品方承恩有傳

練總戴廷宇有傳

鄉飲賓方紹哲

耆民廖匡位

民人方秉秀

民人方廷發

民人方廷起

民人方秉秋

民人方紹羣

民人方秉益

民人方秉枝

民人方廷和

民人方大連

民人方秉錦

民人田增桂

民人田增彬

民人田可派

民人田錫燦

民人方大沛附傳

民人施天寅

民人何承謨

民人潘樂楠

民人楊永照附傳

民人楊振森

民人戴履明有傳

民人王文科並子姪十餘人

民人袁名高

民人姚吉慶

以上由忠義局彙案請

旌載紳民忠義表

貢生葛凌雲有傳 廣德人下同

監生方燧有傳

庠生方殿英殿蕃

廩生方殿蓉俱附傳

廩生劉清

廩生濮陽淮

庠生劉起有傳

庠生高重悅

庠生吳劔附傳

庠生章

錦附傳

庠生許國梁

庠生戈奏言

庠生雲

蔚凌

監生葛永清附傳

庠生張麗

庠生濮陽振

庠生范紀嚴

庠生湯盤

例貢呂濱

監生汪志學

監生陳得元

監生陳士煥

監生雲正位

監生姚富有

從九楊維澄

從九楊維海

州書趙繡章並孫兆蘭來慶

團長步居然有傳

團丁王玉書附傳

團丁程錫林附傳

團丁黃發附傳

團丁張金昌附傳

團丁甯釗附傳

團丁高宗祿

民人甯忠有傳

民人陳開元

民人陳士賢士新

民人陳忠義

民人陳應權

民人高宗亮宗連

民人高宗安宗保

民人高重順重鼎

民人高重德重華

民人高重憲

民人高連生

民人雲守恒

民人茹金林

民人許聖賢

民人許旺根

民人姚新春

民人湯學海東海

民人劉保慶

民人丁培涯

民人瞿常俊

監生吳宗周有傳

民人吳隆盛附傳

民人吳隆茂附傳

民人耿園久

以上咸豐十年殉難

庠生步玉堂

團丁耿克榮

民人李逢春

民人耿承河

民人解申振

民人張京蘭以上咸豐十年禦賊死

民人耿憲章一門殉難

監生耿建三六品銜烏老松有傳

團丁盛錫榮附傳

團丁耿毛兒

民人耿志錕

民人耿承贊承教

民人胡天喜

民人何瑞淮

五品軍功韓德富巢縣人

傳以上咸豐十一年禦賊死

民人張志鴻

民人張宗灃

庠生許清

庠生章正範

監生施浩

監生濮陽忠

監生濮陽直

監生王巖

監生于開發開椿

監生金元陞

民人于開泰

民人金元品

民人楊大錕

民人王振川

民人董開銑

民人陳錫祥

民人許懋功

民人朱瑞清

民人汪志瀄

民人劉錫三

民人王士鼇

民人邵廷燮

民人饒志仁

民人陳運福

民人嚴克恭

民人謝庭玉

民人鄭賢林

以上同治元年殉難

以上採訪續冊光緒六年由本州申報請旌

監生吳楷

建平人下同

民人呂傳友

民人戴昭球

以上咸豐六年殉難

民人宋朝和

孝友有傳

廩生周丙

義行有傳

廩生吳茂曠

庠生梅節夏

庠生王裕後

庠生劉傳增

庠生梅作舟

庠生周開甲

武生田逢年

並子錫漳姪錫湖

監生張廷楫

有傳

監生沈文琳

監生李大成

民人高文忠

民人高文愷

民人傅發華

民人傅宗圻

民人傅達金

民人楊維翰

有傳

民人楊增道

民人楊炳慰

民人蔣正鳳

民人蔣邦緒

民人蔣邦義

民人蔣家灝

民人蔣正煥

民人岑正清

民人岑啟祿

民人史培忠

民人史長伢

民人史維清

民人史滿書

民人史成

民人張昭典

民人張啟燾有傳

民人王登桂

民人王俊傑

民人戴嗣釗

民人戴依忠

民人戴昭琮

民人戴雲漢

民人戴雲淮

民人戴雲雨

民人戴雲渭

民人戴雲鳳

民人戴雲坤

民人戴雲鶴

民人吳恩惠

民人吳錫智

民人吳昭德

民人吳昭祥有傳

民人吳在詩

民人吳守常有傳

民人潘昆山有傳

民人潘毛伢附傳

民人潘大廉

民人童大楠

民人宗育棟

民人錢洪烈

民人胡德高

民人郎坤喜

民人田錫盛

民人施開元

民人丁黑皮

民人陶士璋

民人裴啟煜有傳

民人嚴時幹

民人湯作霖

民人李昌林

民人李昌置

民人陳海伢

民人張茲芝

民人郭根喜

民人宗有根

民人李增如

民人吳增大

民人李天元

民人李祥雲

民人李榮海

民人吳金根

民人余炳南以上咸豐十年被害

庠生沈澄清

庠生呂應龍

並妻

庠生王九成

有傳

庠生岑煥文

庠生梅薦夏

有傳

監生吳耀南

民人楊省三

民人楊維時

民人楊維和

民人楊維辛

民人楊清元

民人蔣邦閱

民人蔣邦選

民人何自隆

民人何自榮

民人何自華

民人王宗煥

民人王俊愿

民人傅培科

並妻

民人梅傳貴

並妻

民人陶正漢

民人湯發祿

民人李普林

民人李燦壽

民人李全元

以上咸豐十年
遇賊投水死

恩貢宗月印

有傳
歲貢呂秉瑚

庠生楊夢斌

庠生邵逢旦

庠生蘇錦江

武生岑竟成

監生岑茂桂

民人楊永華

民人田增熙

民人楊永吉

民人楊成土

民人李敬信

民人李枝鵬

民人彭啟相

民人彭志和

民人葉啟福

民人周鳳德

民人宗文培

民人蔣家淦

以上咸豐
十年殉難

民人盛天美

民人錢元梧

民人王宗文

民人許志仁

附傳

民人許尊乾

民人許尊坤

民人許尊春

民人吳正先

有傳

民人吳泰先

有傳

民人吳正泉

民人吳泰升

民人吳正心附傳

民人吳昭福

民人吳正壽

有傳 以上咸豐十一年被害

監生蔣澤

監生呂鳳翔

民人田錫瑤

民人王宗河

民人周崇球

以上咸豐十一年投水死

庠生戴聖澤

庠生戴仁

庠生周芳

武生王鎮清

從九邵恒瞞

並子

民人邵世湖

並子

民人王宗武

民人王邦柏

有傳

民人王宗林

民人王宗玉

民人王元榮

民人王元華

民人王元富

民人王元貴

民人王元燦

民人王元麟

民人王興貴

民人田立培

以上咸豐十一年殉難

廩生呂秉琮

庠生田見龍

庠生吳松友

五品銜 王俊愨

監生呂錫成

監生岑錦素

並母子有傳

監生吳正常

附傳

醫學訓科 王玉成

民人徐允芳

民人徐瑞

民人呂其信

民人呂汝椿

民人周啟亮

民人周德岐

民人韋錫美

民人韋學坤

民人吳宣鵬

民人吳在邦

民人吳士長

民人吳世良

並母有傳

民人吳期賢

民人潘功燦

民人田勞六

民人呂汝福

民人項志貞

有傳

民人韓國祥

民人張廷蘭

民人王俊

一門殉難

民人李全仍

民人李元茂

民人吳炳元

民人李榮林

民人李會生

以上同治元年被害

增生蔣炳華

庠生戴馨

庠生呂士華

庠生宗兆喜

武生宗岱

民人呂逢祥

民人烏宇鳳

有傳

民人邵德發

民人裴元

有傳

民人陳元銜

民人田增綱

民人田增富

民人田錫興

民人田錫富

民人田錫郊

民人田錫明

民人田錫悅

民人田錫架

民人田錫遠

民人田錫梅

民人田錫序

民人田錫棋

民人田錫樊

民人田可江

民人田立洪

民人田錫丙

民人吳近相

民人吳六慶

民人吳元章

民人吳榮福

民人吳荷生

民人吳文周

民人吳茂海

民人吳廷贊

民人吳昭元

以上同治元年殉難

以上光緒六年由縣續報請旌

案粵逆之變廣建官員殉難者則有知縣何豫綸學

正趙對激廣安巡檢王成錦

詳宦績
兵寇

梅渚巡檢陳元

益

詳守
令

把總張鳴皋汪驥及管帶金勇之都司黃熊

飛

詳宦績
兵寇

共七人其姓名事蹟雖詳他卷要皆無愧

忠烈應與前此忠義諸公一同奉祀至本卷所列紳

士殉難者廣德百九十八建平百十八人民人則廣

德三百二十一人建平二百六十人現雖已修忠義


祠尚未添設牌位一俟州志告竣即於祠內建列三

楹官中紳左

孝弟名
牌附祀

民右其紳民有事實可稽者專

立一牌否則立總牌祀之



70013392

